


四分律藏

牙五十一

三百廿六
隨一

50106



Vertical stamp or seal impression, possibly containing Chinese characters.

Handwritten marks or scribbles at the bottom center of the page.

四分律藏卷第五十一

姚秦三藏佛隨耶舍共竺佛念譯

第四分房舍捷度之餘

尔時世尊在舍衛國時有比丘在僧地中作私房有上座客比丘來語言起避上座彼荅言不起問言何故耶荅言是我私房諸比丘

白佛佛言應語令起若起者善若不起應語言還僧地更無有理以僧地入己有比丘卒成屋不堅牢佛言不應尔彼便盡形壽經營一房屋不時成佛言不應尔若作極上大好好房重閣堂聽十二年經營餘者隨大小量宜彼經營人一切時春夏冬受僧常營事房佛



言不應尔聽夏三月竟隨上座分時有比丘
通經營僧伽藍便處處取房分佛言不應尔
應九十日取一處住彼經營人在衆多人住
處住食堂温室經行堂令客比丘無住處佛
言不應尔若下堂衆多人住處應在上堂住
若上堂衆多人住處應在下堂住彼作小小
經營泥壁若補缺落若平地便索營事者房
佛言不應尔彼差沙弥守僧伽藍人便作營
事人佛言不應尔彼作小房索營事者房佛
言不應尔若所作房受繩牀木牀者聽與營
事房彼作惡房便索營事者房佛言不應尔
若所作房莊嚴香薰所須具足者聽與房時

有營事比丘受房已命過諸比丘不知此房屬誰白佛佛言隨僧時有營事比丘遣人白僧索房彼比丘至僧中白索房已營事比丘便命過諸比丘不知此房與誰佛言隨僧營事比丘遣人僧中索房已彼使比丘命過諸比丘不知此房與誰佛言應與彼營事者時營事人夏安居中命過諸比丘不知此房與誰佛言隨僧時有比丘作房未覆捨行時客比丘語舊比丘言可覆此房舊比丘荅言作者應覆諸比丘白佛佛言聽作極大好重閣房六年內覆成餘小者隨事量宜時有一比丘作房有異比丘覆彼二比丘共諍先後治

屋諸比丘白佛佛言先作者應先治時有二
比丘共作房二人共諍前後作佛言聽更互
作上座在先時營事比丘夏安居受所治房
復受餘房佛言不應尔即所住房作安居房
尔時世尊在拘睒彌時王憂填與跋難陀親
厚王請在拘睒彌夏安居時跋難陀受請安
居已聞有異處安居僧大得衣物即往彼處
少時住已還拘睒彌時王憂填聞已譏嫌云
何跋難陀受我請夏安居已聞有異處僧大
得夏安居衣物而往彼住後還來此時諸比
丘聞往世尊所頭面禮足却坐一面以此因
緣具白世尊世尊尔時以此因緣集比丘僧

呵責跋難陀釋子言云何受請在拘睒彌夏
安居聞有異處僧大得夏安居衣物便往彼
住已復還此耶無數方便呵責已告諸比丘
若比丘此處安居聞有異處僧大得夏安居
衣物而往彼住即失此處於彼少住已復還
此處復失彼處尔時衆僧房舍故壞有異居
士言若與我者我當修理諸比丘白佛佛言
聽與白二羯磨應如是與衆中應差堪能羯磨
者如上作如是白大德僧聽若僧時到僧忍
聽僧今持此房與某甲居士修治某甲比丘
經營白如是大德僧聽僧今以此房與某甲
居士修治某甲比丘經營誰諸長老忍僧持

此房與某甲居士修治某甲比丘經營者默然誰不忍者說僧已忍與某甲居士房修治某甲比丘經營竟僧忍默然故是事如是持亦時營事比丘未分房便出行諸比丘即於後分房彼營事比丘還問言留我營事房不彼荅言不即便嫌責諸比丘言我未分房出行而於後便分房我於此有益何故不與我房耶諸比丘不知爲成分不成分佛言成應得還彼亦應囑人取時營事比丘未分房出行囑餘比丘取房而不指示房處所彼比丘營處多此比丘不知與取何房諸比丘分房已彼方還問諸比丘分房未荅言已分爲我

取房不荅言不彼即嫌責言未分房我出行
囑餘比丘爲我取房我於此有益而不與我
取房諸比丘不知爲成分不成分佛言成分
應待還彼亦應指授言取某甲房彼營事比
丘取房已後分房時次得好房便捨前房諸
比丘白佛佛言不應尔應從上座更分若無
人取者應與彼比丘疑不敢捉衆僧戶鈎鑰
若杖若環若几若角杓若銅杓若浴牀佛言
聽捉彼不敢從此任處移此諸物至彼處佛
言聽移有五法不應差爲僧分粥設差不應
分若有愛有恚有怖有癡不知分未分有如
是五法不應差爲僧分粥已差不應分有五

法應差爲僧分粥不愛不恚不怖不癡知已
分未分有如是五法應差爲僧分粥若差應
令爲僧分粥分小食分佉闍尼差請會敷卧
具分卧具分浴衣分衣可取可與差比丘使
差沙弥使一切亦如是有五法爲僧分粥入
地獄如射箭有愛有恚有怖有癡不知分未
分有如是五法分粥入地獄如射箭有五法
分粥生天如射箭不愛不恚不怖不癡知分
未分有如是五法爲僧分粥生天如射箭乃
至差沙弥使亦如是
房舍捷度竟

第四分雜捷度二之初

尔時世尊在波羅柰五比丘來至佛所頭面

禮足却坐一面向佛言我等應持何等鉢佛
言聽持迦羅鉢舍羅鉢時有比丘入僧中食
無鉢佛言聽比坐與若僧中有此二種鉢者
借與時有比丘蚘吐鉢中不洗持用食食已
得病諸比丘白佛佛言不應不洗鉢用食聽
洗已用食時諸比丘髮長佛言聽剃若自剃
若使人剃彼須剃刀聽作彼用寶作把佛言
不應用寶聽用銅鐵彼露捉刀難掌護佛言
聽作刀鞘彼用寶作佛言不應用寶作聽用
骨牙角銅鐵白鐵鉛錫舍羅草竹篲木作彼
作刀鞘患動壞刃應以物障若毳若劫貝若
犬皮若墮落應以線連綴若手捉難掌護應

作囊盛若從囊口出應以繩繫之若手提行
恐失繩繫絡著肩時諸比丘用刀刃卷聽手
上婆故卷應石上磨手提石恐失應盛著刀
囊中若刀鈍應刮刃若自刮教人刮彼須刮
刀佛言聽作時比丘剃髮患髮著衣佛言聽
畜承髮器不知去何作聽織竹作若屈木爲
捲以樹皮鞞之若十種衣中一一衣聽作承
髮器彼持承髮物著地用時著膝上泥土汗
衣佛言不應令聽以繩懸若安杖上時比丘
患鼻中毛長佛言聽拔若自拔若令人拔彼
須鑷佛言聽作彼用寶作佛言不應用寶作
聽用骨牙角銅鐵白鑷鉛錫作若患鑷頭破

聽頭安鐵手捉難掌護聽者剃刀囊中時諸
比丘爪長佛言聽剪若白剪若令人剪彼須
剪爪刀佛言聽作彼用寶作佛言不應用寶
聽用銅鐵手捉難掌護聽作筒盛彼用寶作
筒佛言不應用寶聽銅鐵白鏝鉛錫竹木作
患筒中出應作蓋塞彼用寶作蓋佛言不應
用寶聽用銅鐵若白鏝鉛錫竹木若趣著一
處患零落聽著刀囊中亦時有比丘爪長至
一白衣家此比丘顏貌端正白衣婦女見已
便繫意於彼比丘即語比丘言共汝作如是如
是事比丘言大姊莫作是語我等法不應介
彼婦女言若不從我者我當自以爪把面身

破已我夫還時當語言彼比丘喚我作如是
事我不從彼便爪把破我身面如是時比丘
聞已愧懼便疾疾出其家比丘亦出其夫亦
從外入彼婦即自把破身面語其夫言比丘
喚我作如是事我不從便把破我身面其夫
即疾疾逐比丘語言汝欲犯我婦我婦不從
便把破身面耶比丘荅言居士莫作是語我
等法不應尔夫便言汝云何言不應尔汝爪
長如是彼即打比丘次死諸比丘白佛佛言
不應畜長爪時六群比丘剪爪令血出佛言
不應尔彼剪爪令如半月形佛言不應尔彼
剪爪令頭尖佛言不應尔彼磨爪令光出佛

言不應尔彼以綵色染爪佛言不應尔佛語
比丘汝曹癡人避我所制更作餘事聽諸比
丘皮次剪爪不知長幾許應剪佛言極長如一
麥應剪時六群比丘以剪刀剪鬚髮佛言不
應尔彼剃髮不剃鬚佛言應剃鬚彼剃鬚不
剃髮佛言應剃髮彼拔鬚佛言不應尔彼留
鬚佛言不應尔彼撚鬚令翹佛言不應尔汝
等癡人避我所制更作餘事自今已去應鬚
髮盡剃彼比丘不知髮長幾許應剃佛言極
長長兩指若二月一剃此是極長時六群比
丘疏鬚髮佛言不應尔彼以油塗髮佛言不
應尔六群比丘畫眼臉時諸居士見皆共譏

嫌沙門釋子多欲無厭自稱言我知正法如
是何有正法猶若白衣諸比丘白佛佛言不
應如是畫眼瞼時諸比丘患眼痛佛言聽者
種種藥時六群比丘鏡照面或水中照面或
以物磨壁令光出照面時諸居士皆譏嫌沙
門釋子多欲無厭自稱言我知正法如是何
有正法以鏡照面猶如白衣諸比丘白佛佛
言不應尔時比丘患面瘡佛言聽餘比丘著
藥若獨在一房聽以水鏡照面著藥彼比丘
治身治髮佛言不應尔彼比丘唾身揩磨佛
言不應尔彼於露處洗浴時諸居士見皆共
譏嫌沙門釋子多欲無厭自稱我知正法如

是何有正法露處洗浴猶如白衣諸比丘白
佛佛言不應尔時有比丘作如是意自椎打
肩臂欲令鹿好佛言不應尔彼作如是意以
香塗身為香好故佛言不應尔時比丘患身
汗臭佛言聽作刮汗刀彼用寶作佛言不應
用寶聽用骨牙角銅鐵鉛錫舍羅草竹木作
時六群比丘作刮汗刀頭似剃刀形刮汗并
欲去身毛佛言不應尔亦不應畜如是刀時
病瘡比丘以鹿末藥洗患痛佛言聽以細末
藥若細泥若葉華菓隨病比丘便身聽洗病
者種種瘡乃至患汗臭時諸六群比丘著耳
璫佛言不應尔時六群比丘耳輪上著珠佛

言不應尔六群比丘著耳環佛言不應尔六
群比丘以多羅葉若鉛錫作環張耳孔令大
佛言不應尔彼六群比丘纏裹耳埵佛言不
應尔彼作鉛錫腰帶佛言不應尔彼著頸瓔
佛言不應尔彼著臂脚玕佛言不應尔彼著
指環佛言不應尔彼用五色線絡腋繫腰臂
佛言不應尔彼著指印佛言不應尔
尔時世尊在王舍城時有外道六師與弟子
共住時富蘭迦葉與弟子九万人俱末佉羅
瞿奢羅與弟子八萬人俱如是轉減乃至尼
捷子與四萬人俱時王舍城有長者是六師
弟子得大段栴檀木即用作鉢以寶作絡囊

盛之於中庭豎高標安著其上唱言若此王
舍城有沙門婆羅門是阿羅漢有大神力者
取此鉢去時富蘭迦葉至長者所語言我是
阿羅漢有大神力可持此鉢并囊與我長者
語言汝若是阿羅漢有大神力與汝汝可往
取彼欲取而無由得時末佉羅瞿奢羅阿夷
頭翅舍欽婆羅波瞿迦旃延訕兜毗羅吒子尼
捷陁若提子等至長者所作如是言我是阿
羅漢有大神力可以此鉢并囊與我長者言
若汝是阿羅漢有大神力者與汝汝可往取
彼欲取而無由得尔時賓頭盧大目連共在
一大石上坐賓頭盧語目連言汝是阿羅漢

世尊記汝神足第一汝可往取目連言我未
曾白衣前現神足汝亦是阿羅漢有大神力
世尊記汝師子吼最爲第一汝可往取時賓
頭盧聞目連語已即合石踊身虛空遶王舍
城七帀國人皆東西避走言石欲墮時彼長
者在閣堂上遙見賓頭盧在虛空中即合手
作禮作如是言取此鉢賓頭盧賓頭盧即取鉢
長者復言小下住賓頭盧賓頭盧即小下住
時彼長者從手中取鉢盛滿美食與時賓頭
盧取鉢已還以神足力乘虛而去諸比丘聞
中有少欲知足行頭陀樂學戒知慙愧者嫌
貴賓頭盧言云何在白衣前現神足時諸比

丘往世尊所頭面禮足却坐一面以此因緣
具白世尊世尊亦時以此因緣集比丘僧知
而故問賓頭盧汝於白衣前現神足耶荅言
實亦時世尊無數方便呵責賓頭盧汝所爲
非非威儀非沙門法非淨行非隨順行所不應
爲云何於白衣前現神足猶如婬女爲半錢
故於衆人前自現汝亦如是爲弊木鉢故於
白衣前現神足不應於白衣前現神足若現
突吉羅比丘不應畜栴檀鉢若畜如法治若
得已成者聽破分與諸比丘作眼藥時諸外
道聞沙門瞿曇制諸比丘不得於白衣前現
神足彼沙門所制終不更犯我等今寧可往

彼所語言汝沙門瞿曇自稱得阿羅漢我亦是阿羅漢自稱有神通我亦有神通自稱大智慧我亦有智慧今可共現過人法力若沙門瞿曇現一過人法我當現二若現二我當現四沙門瞿曇現四過人法我當現八若現八我當現十六若現十六我當現三十二若現三十二我當現六十四若所現轉增我現亦轉一倍時諸外道在城街巷處處唱說沙門瞿曇自稱有神力我亦有神力自稱有大智慧我亦有大智慧我等今欲共沙門瞿曇現神力過人法若沙門瞿曇現一我當現二如是沙門瞿曇所現多少我當現轉增

一、倍時王舍城中有一處其地廣大平博時
彼長者多持華香瓔珞伎樂幢幡飲食衣服
醫藥卧具欲於此處供養外道婆伽婆時彼
長者欲取華供養外道手入器輒不得出欲
取香瓔珞幢幡伎樂飲食衣服醫藥卧具隨
所取手皆著器而不得出時彼長者欲取華
供養佛時隨手所取而無所礙如是隨手所
取乃至醫藥卧具而無所礙彼作如是念未
曾有世尊有如是大神力時彼長者即白佛
言唯願世尊與大比丘僧受我明日請食介
時世尊默然受請時彼長者見世尊默然許
可前禮佛足遶佛而去即還其家竟夜辦種

種肥美飲食明日清旦往白時到尔時世尊
著衣持鉢與大比丘僧千二百五十人俱往
彼長者家時世尊動足行處有大神力天在
虛空中以天曼陀羅華栴檀末香天優鉢羅
鉢頭摩拘牟頭分陀利華以散佛行迹處作
天伎樂歌頌讚佛時彼長者隨從世尊作是
念今此音聲爲從地出爲從上來仰視空中
遙見天曼陀羅華乃至分陀利華及天伎樂
住在空中便作是念此音不從地出乃從上
來時世尊至長者家就座而坐時諸外道聞
作如是念彼長者由來供養我諸外道今乃
更請佛及僧飲食我今寧可往令彼供具不足

即便與眷屬俱往長者家守門人見諸外道
與眷屬俱來即往白長者言知不今諸外道
與眷屬來當聽入不長者言莫聽入佛告長
者可聽入長者白佛外道衆多此處窄狹恐
不容受佛言但聽入足相容受長者復言外
道衆多坐處窄狹飲食有限本爲千二百五
十人設供今恐供不足佛言長者但聽入足
相容受飲食供足尔時世尊以神力令地
平正廣博東西視時無數百千高座自然而
有南西北方亦復如是時世尊與大比丘僧
千二百五十人并外道俱坐時彼長者設種
種美食供養佛比丘僧及諸外道一切充足

食已捨鉢更取卑牀於佛前坐時世尊爲長者無數方便說法教化令得歡喜爲長者說法已從座而去尔時諸外道與眷屬俱往瓶沙王所合掌頂上言願王常勝白言沙門瞿曇自言是阿羅漢我亦是阿羅漢沙門瞿曇自言有神通我亦有神通沙門瞿曇自稱有大智慧我亦有大智慧我等今欲共沙門瞿曇掬勝神力及過人法若沙門瞿曇現一我當現二如是隨沙門瞿曇所現多少我盡倍之大王我今欲共沙門瞿曇掬現神力過人法時瓶沙王往詣佛所頭面禮足却坐一面以向因緣具白世尊唯願世尊與外道掬現

神力及過人法世尊告王言且止我自知時
可現當現明日當去隨王所欲世尊明日與
大比丘衆俱從王舍城去時瓶沙王以五百
乘車載種種美食從世尊後時諸外道聞世
尊清旦出王舍城去作如是言沙門瞿曇不
能與我等共搆神通便去王瓶沙五百乘車
載種種美食爲我等不爲彼瞿曇沙門我曹
今可隨彼去到所至之處喚共搆神力過人
法彼即隨世尊後去時王瓶沙聞佛清旦與
千二百五十人從王舍城去王從八万四千
人俱隨世尊後梵天王釋提桓因四天王諸
天無數百千大衆隨從世尊後時世尊往憂

禪城憂禪城王名波羅殊提摩竭國諸外道
憂禪城諸外道俱共往波羅殊提王所合掌
頂上讚言願王常勝沙門瞿曇自稱言是阿
羅漢我亦是阿羅漢自稱言有神力我亦有
神力自稱言有大智慧我亦有智慧我等
於王舍城中求共捕神力過人法而沙門瞿
曇不能與我捕神力過人法我等今欲共捕
神力過人法若沙門瞿曇現一我當現二如
是隨沙門瞿曇所現多少我盡倍之時王波
羅殊提即往佛所頭面禮足却坐一面以此
因緣具白世尊善哉世尊可共諸外道現神
力過人法尔時世尊告波羅殊提王言且止

我自·知時·可現·當現·明日·當去·隨王·意時·世
尊·明日·清旦·從憂·禪去·波羅·殊提·王五·百乘
車·載種·種美·食從·世尊·後時·諸外·道聞·世尊
去·作如·是言·沙門·瞿曇·不能·與我·搆神·力過
人·法便·去王·五百·乘車·載飲·食為·我等·不為
彼·我當·隨去·到所·至處·與共·搆神·力過·人法
彼·即隨·世尊·後而·去時·王瓶·沙聞·世尊·去與
八·萬四·千人·俱波·羅殊·提王·與七·萬人·俱釋
梵·四天·王諸·天大·衆無·數百·千眷·屬圍·遶從
世·尊後·世尊·往拘·睺睺·彌國·瞿師·羅園·中住·時
憂·陀延·為王·摩竭·國諸·外道·憂禪·國諸·外道·拘
睺·彌諸·外道·俱往·憂陀·延王·所合·掌頂·上讚

言願王常勝白如是言沙門瞿曇自稱言是
阿羅漢我亦是阿羅漢自稱言有大神力我
亦有大神力彼自稱言有大智慧我亦有大
智慧於摩竭國憂禪國求共搆神力過人法
沙門瞿曇不能與我共搆神力過人法而去
我等今欲共沙門瞿曇共搆神力過人法沙
門瞿曇現一我當現二如是隨彼所現多少
我盡倍之時憂陀延王詣世尊所頭面禮足
却坐一面以此因緣具白世尊善哉世尊可
與諸外道共搆神力過人法佛告王言止止
我自知之可現當現明日當去便隨王意明
日清旦便去時王憂陀延五百乘車載種種

飲食隨世尊後時諸外道聞世尊去便作是
言沙門瞿曇不能與我共搆神力過人法便
去憂陀延王五百乘車載飲食而為我等不
為彼我今隨彼所至之處當共搆神力過人
法即便隨世尊後去時瓶沙王與八万四千
人俱憂禪王與七萬人俱憂陀延王與六萬
人俱從世尊後釋梵四天王無數百千諸天
大衆從世尊後亦時世尊往迦維羅衛國尼
拘律園中任時迦維羅衛王梵施是佛異母
弟摩竭國諸外道憂禪諸外道拘睺弥諸外
道迦維羅衛國諸外道共往梵施王所合掌
頂上願王常勝白梵施王言沙門瞿曇自稱

言是阿羅漢我亦是阿羅漢自稱有大神力
我亦有大神力自稱有大智慧我亦有大神
慧我於摩竭國憂禪國拘睺彌國與沙門瞿
曇搆神力過人法而沙門瞿曇不能與我搆
神力過人法便去我等今欲與沙門瞿曇搆
現神力過人法若沙門瞿曇現一我當現二
如是隨沙門瞿曇所現多少我盡倍之時梵
施王往詣佛所頭面禮足在一面坐白佛言
願世尊現神力過人法佛告王言止止我自
知時可現當現明日當出迦維羅衛國去可
隨王意世尊明日清旦便去尔時梵施王即
以五百乘車載種種飲食從世尊後時諸外

道聞世尊去便作是言沙門瞿曇不能與我
共搆神力過人法捨我而去王梵施所載五
百乘車飲食而爲我等不爲沙門瞿曇今當
隨其所至之處喚其搆神力過人法即與眷
屬逐世尊後時王瓶沙聞佛去即與八萬四
千人俱波羅殊提王與七萬人俱憂陀延王
與六萬人俱梵施王與五萬人俱從世尊後
釋梵四天王與諸眷屬無數百千人從世尊
後亦時世尊從迦維羅衛國人間遊行至舍
衛國祇桓園中住時舍衛國波斯匿爲王時摩
竭國諸外道憂禪城諸外道拘睭弥諸外道
迦維羅衛諸外道舍衛國諸外道皆往王波

斯匿所合掌頂上白言願王常勝作如是言
沙門瞿曇自稱言是阿羅漢我亦是阿羅漢
自稱言有大神力我亦有大神力自稱言有
大智慧我亦有大智慧我等於摩竭國憂禪
城拘睒弥迦維羅衛國欲共揃神力過人法
而不能與我共揃神力過人法便去我等今
欲共沙門瞿曇揃神力過人法若沙門瞿曇
現一我當現二如是隨其所現多少我盡倍
之王波斯匿往世尊所頭面禮足却坐一面
以此因緣具白世尊善哉世尊願現神力過
人法佛告王言止止我自時可現當現於
臘月十五日中從初一日至十五日如來當

現神力過人法大王若欲觀如來現神力過人法者便來時舍衛國有別處其地平正廣博卍尊往彼敷座而坐時梵天王偏露右肩右膝著地合掌白卍尊言我當爲卍尊敷高座佛告梵王且止我自知時天帝釋四天王瓶沙王波羅殊提王憂陁延王梵施王波斯

匿王末利夫人長者梨師達多富羅那各各作如是言我當爲卍尊敷高座佛告言汝等且止我自知時時諸居士有信外道者爲外道敷價直百千高座有信樂恭敬供養卍尊者次第從一日至十五日

尔時卍尊東面看時有無數百千諸座自然

一而有南西北方亦復如是中央有自然七寶
師子高座如來坐上時諸大衆皆悉就坐時
有檀越次供日者授佛楊枝卍尊爲受嚼已
棄著背後卽成大樹根莖枝葉扶踈茂盛時
諸大衆見卍尊如是神力皆大歡喜得未曾
有厭離心生時卍尊觀諸大衆得未曾有生
厭離心卽爲無數方便種種說法令得歡喜
時座上無數百千人遠塵離垢得法眼淨此
是卍尊初日現神力變化於第二日此樹華
生色香具足樹華散落周遍大衆積至于膝
比丘比丘尼優婆塞優婆夷及餘大衆皆嗅
此香氣時諸大衆見卍尊如是神力變化皆

大歡喜得未曾有馱離心生時世尊觀諸大衆得未曾有生馱離心即爲無數方便種種說法令得歡喜時於座上無數百千人遠塵離垢得法眼淨此是世尊第二日現神力變化於第三日樹菓便出色味具足其菓不搖自落墮地不壞比丘比丘尼優婆塞優婆夷及諸大衆皆共食之此諸大衆見世尊如是神力變化皆大歡喜得未曾有馱離心生時世尊觀諸大衆得未曾有馱離心生即爲說法乃至得法眼淨如上此是世尊第三日現神力變化尔時有檀越次供第四日者授世尊水時世尊即取一掬水棄之前地佛神力

故即成大池其水清淨無諸塵穢飲之無患
有諸雜華優鉢羅鉢頭摩拘牟頭分陀利華
衆鳥異類鳧鷹鴛鴦龜魚鼈水性之屬以
爲莊嚴時諸大衆見世尊神力如是變化皆
大歡喜得未曾有馱離心生時世尊觀諸大
衆得未曾有馱離心生即爲說法乃至得法
眼淨如上此是如來第四日變化今時第五
日池四面各出一河直流不曲其水恬靜而
無波浪衆雜竒華以爲莊嚴其流水聲說法
之音一切衆行皆悉無常苦空一切諸法皆
悉無我涅槃息滅時諸大衆見世尊神力如
是變化皆大歡喜得未曾有馱離心生時世

尊觀諸大衆得未曾有猒離心生即爲說法
乃至得法眼淨如上此是世尊第五日變化
於第六日世尊化諸大衆皆一等類無有差
降時諸大衆見世尊神力變化如是皆大歡
喜得未曾有猒離心生時世尊觀諸大衆得
未曾有猒離心生即爲說法乃至得法眼淨
如上此是世尊第六日變化於第七日世尊
在空中爲諸大衆說法但聞如來說法聲而
不見形時諸大衆見世尊神力變化如是皆
大歡喜得未曾有猒離心生時世尊觀諸大
衆得未曾有猒離心生即爲說法乃至得法
眼淨如上第八日時諸居士信外道者遣使

喚諸外道汝曹知不沙門瞿曇已現神力於
今八日汝曹何故不來耶彼欲來而不得來
時世尊告諸比丘言若使富蘭迦葉以堅鞞
皮繩縛其身並牛牽之皮繩斷身形破壞若
不捨已見而爲論議故終不能來至我所乃
至尼捷子等亦如是時梵天王告天帝釋言
諸外道人自言與世尊等而不能來與世尊
揃現神力今可破滅其高座時天帝釋告四天
王諸外道自言與世尊等而不能來與世尊
揃神力今可破滅其高座時四天王即召風
神雲雨神雷神告如是言諸外道自言與世
尊等而不能來與世尊揃力今可破壞其高

座令散滅無餘時風神等聞四天王教已即
取外道高座破散令滅無餘時諸外道得風
雨飄濕即入草木叢林山谷窟中而自藏竄
時有露形斯尼外道波梨子波私婆闍伽以
大石繫頸自投深淵時諸大眾見世尊神力
變化皆大歡喜得未曾有厭離心生世尊即
為說法乃至得法眼淨如上此是世尊第八
日變化於第九日世尊於須彌頂上為大眾
說法但聞其聲不見其形時諸大眾見世尊
如是變化皆大歡喜得未曾有厭離心生世
尊即為說法乃至得法眼淨如上此是世尊
第九日變化第十日世尊於梵天上說法時

諸大衆但聞其聲不見其形時諸大衆見世尊如是變化皆大歡喜得未曾有厭離心生世尊即爲說法乃至得法眼淨如上此是如來第十日變化於第十一日世尊於大衆中現神足變化一身爲多身多身爲一身於近現處若遠不見處若近山障石壁身過無礙遊行空中如鳥飛翔出沒於地猶若水波履水而行如地遊步身出烟炎猶若大火手捫摸日月身至梵天時諸大衆見世尊如是變化皆大歡喜得未曾有厭離心生世尊即爲說法乃至得法眼淨如上此是世尊第十一日神足變化於第十二日世尊於大衆中心

念說法是應念是不應念是應思惟是不應
思惟是應斷是應修行是時諸大衆見世尊
神足變化如是皆大歡喜得未曾有厭離心
生世尊即爲說法乃至得法眼淨如上此是
世尊第十二日神足變化於第十三日世尊
爲大衆說法教授說法教授者一切皆熾然
云何一切皆熾然眼熾然色熾然識熾然眼
觸熾然眼觸因緣有受若苦若樂若不苦不
樂是亦熾然誰熾然貪欲瞋恚癡大熾然生
老病死憂悲苦惱熾然苦緣是生耳鼻舌身
意亦如是一切皆熾然亦時大衆聞世尊如
是說法教化皆大歡喜得未曾有即爲說法

乃至得法眼淨如上此是如來第十三日變化於第十四日次供檀越以一掬華授與世尊世尊歟已擲著空中以佛神力故變為万四千華臺樓閣華臺樓閣中一切皆有坐佛左右面天帝釋梵合掌敬禮而說偈言

敬禮丈夫王 大人最無上 一切無能知 世尊所依禪

尔時大衆見世尊神力變化如是皆大歡喜得未曾有世尊即爲說法乃至得法眼淨如上尔時摩竭王瓶沙次十五日設供即於夜辦種種美食夜過已明日以種種多美飲食飯佛及僧并波羅殊提王優陀延王梵施王

波斯匿王末利夫人長者梨師達多富蘭那
一切大衆皆供養滿足食已捨鉢王瓶沙更
取卑牀於佛前坐時世尊壞加趺坐申脚案
上足至案上時地爲六反十八動震動時世
尊足下相輪輪有千輻輪郭成就輪相具足
光明晃曜從輪出光光照三千大千國土時
摩竭王見世尊足下輪相如是即從座起徧
袒右肩右膝著地白世尊言世尊往昔作何
福德得此足下千輻輪相光明晃曜輪中出
光光照三千大千國土今時佛告瓶沙王乃
往過去世時有王名利益衆生作閻浮提王
時閻浮提國土豐饒人民熾盛快樂有八萬

四千城邑聚落有五十五億時利益衆生王
所住城名慧光東西十二由延南北七由延
其城廣大人民熾盛財物無限嚴飾快樂王
第一夫人字慧事無兒息彼爲兒故禮事種
種諸天河水池水滿善天寶善天日月天帝
釋梵天王地水火風神摩醯首羅天子園神
林神巷陌諸神鬼子母聚落諸神處處供養
求願有子後於異時王第一夫人懷娠女人
有三種智慧知男子有欲意看知得胎時知
所從得處時夫人即往王所白言王知不我
今懷妊王言大善即爲夫人倍增供具以最
上飲食衣服醫藥卧具一切所須皆增一倍

十月滿已生一男兒顏貌端正時兒生日八萬四千諸城八萬四千伏藏自然踊出藏有銀者銀樹踊出根莖枝葉皆是白銀藏有金者金樹踊出根莖華葉皆悉是金藏有瑠璃者頗梨者有赤真珠者有瑪瑙者有車渠者皆亦如是尔時國法若兒初生若父母為作字若沙門婆羅門為作字時王利益衆生作是念何須沙門婆羅門為作字也此兒母字慧事我今寧可字兒為慧燈彼即字為慧燈時王為其兒置四種乳母一者治身二者浣衣三者乳養四者戲笑治身乳母者修治身形支節浣衣母者為浣濯衣服洗浴身形與

乳母者主知與乳遊戲母者若王子在象馬
車乘遊戲時華香寶物種種玩弄之具與共
嬉戲持孔雀蓋在後娛樂王子令得快樂尔
時世尊即說偈言

一切要歸盡

高者會當墮

生者無不死

有命皆無常

衆生墮有數

一切皆有爲

一切諸世間

無有不老死

衆生是常法

生生皆歸死

隨其所造業

罪福有果報

惡業墮地獄

善業生天上

高行生善道

得無漏涅槃

時利益衆生王命終王子轉大至年八九歲
其母教學諸伎藝書畫筭數戲笑歌儻伎樂

象馬騎乘乘車學射勇健捷疾於諸伎藝皆
悉綜練至年十四五時諸羣臣至王子所白
言知不王已命終今次應登王位爲王施行
教令王子荅言我不能爲王行王教令何以
故我前世時曾爲國王經六年以是因緣墮
在地獄六萬歲以是故今不能爲王行王教
令諸臣言頗有方便可得作王行王教令不
荅言有何者是荅言若能令閻浮提若男若
女能言之者皆行十善不殺生乃至不邪見
者我當爲王時諸臣聞王子教已即遣使持書
四方唱令作如是言汝等知不利益衆生王已
命過王子慧燈次應爲王作如是言我不爲

玉乃使閻浮提人若男若女能言之者皆行
十善不殺生乃至不邪見者我當爲王國人
聞如是教盡修行十善不殺生乃至不邪見
諸臣即往王子慧燈所自言王子知不閻浮
提人若男若女能言之者皆行十善不殺生
乃至不邪見今可登王位行王教令王子言

取絹來即授第一白絹與自繫頭上作如是
言如是時有如是主善好不耶諸臣荅言甚
善時諸臣白王言王初生時有八萬四千截
自然而出今可取入王截王言何須入截即
可於彼四交道頭布施沙門婆羅門貧窮孤
老隨所求索者一切施與時諸大臣聞慧燈

王教已即於八萬四千城隨所在藏於四城
門中四交道頭布施沙門婆羅門貧窮孤老
隨其所索一切施與時天帝釋便作是念王
慧燈於八萬四千城隨所在藏皆於四城門
中四交道頭布施沙門婆羅門貧窮孤老隨
其所索一切施與將恐來奪我座我今寧可
往試王慧燈爲以無上道不退轉故布施爲
以退轉也彼即化作男子自相謂言王慧燈
教我等行十惡殺生乃至邪見時諸大臣皆
往王所白言王實教國人行十惡殺生乃至
邪見耶王荅言不何以故我先有是語我不
作王乃令閻浮提人能言之類皆行十善不

殺生乃至不邪見我當為王是故我無是語
汝等今可嚴駕象乘我欲因行教化國人

四分律藏卷第五十一

第四分卷第二

隨

拘睞上音俱下失音俱下優填下音田鈎鑰下音藥環音還几
居矣杓時約反佉闍上音丘作把下音霸刀鞘音下

英鑷蠟郎荅反上鈆錫上音先綠下音竹葦下音鬼于

毛毳昌歲反連綴下音衛知反刃卷下音巨鈍徒音反困刮俱反八

為椽下音去鞞之上音莫官反杙音翼鑷尼音反輒音爪

之巧反爬面上音步麻反鬚子音斯撚乃音與音翹渠音遙

眼臉下音檢指磨上音皆反口椎打上音直耳璫下音當平耳

埤耳下音理直瑞反又作腋音亦翅去音聲訕兜上音所音下

及侯

桶

及古

岳

